

Ekalesia Faapotopotoga Kerisiano i Amerika Samoa

'AU TAUMAFAI 2020



Mo Keriso ma le Ekalesia

Upu Tomua

Lo'u agaga e, ia e fa'amanū atu i le Ali'i, 'aua fo'i ne'i galo se mea e tasi o Ana mea'alofa...

O le vi'iga ma le fa'ane'etaga e tomua pea i le Tapa'au Sili oi le lagi, ona o Lona alofa ma le agalelei taumulimuli, aemaise o galuega mamana ma le ofoofogia ua Ia faia pea i le soifua galulue fa'atuatua o Lana Ekalesia. Ua fuliata atu lena tausaga ma ona fatia, ae totogo mai ataata lafoia ma fotua'i mai mālama o le tausaga fou 2020. Malo le folau manuia, malo pale, fa'afetai le fa'atamatane i le paia maua ma le atoa li'o o le EFKAS, mai lava i ona mauga tetele ma le maua, se'ia paia ona vanuvanu ma tofē maua. Ia i le Atua mamana ma le Silisili 'ese le vi'iga ma le fa'amanū e fa'avavau lava.

O le Tusi Failotu lena a le 'Au Taumafai mo ana sauniga lotu i Aso Sa ta'itasi mo lena tausaga fou 2020. O le galuega tele sa gapatia i ai le Susuga i le Toeaina o Falelua Lafitaga ma sui o le Komiti mai le Matagaluega a Hawai'i. E fa'amaui le agaga fa'afetai tele, ona o le galuega matagofie ma le saunia lelei. O le tau mau tatala gatā, o le fa'atoetoe mamala mai teugā 'oa paia o le malo o le Atua lea ua sasa'a fa'aoti, ma ua fa'asoa atu e fai ma ta'iala o au faitauga ma su'esu'ega i le Tusi Paia i lea vaiaso ma lea vaiaso. Ia silasila mai le Ao o le 'Au Taumafai, ma fa'amanuia i le galuega niuali ua faia, ma ia fa'alatele e le mana o Lona Agaga e fai ma oso fa'atupu malosi mo la tatou folauga o le 2020.

E momoli atu le fa'afetai ma le fa'amalo i le Ekalesia aoao e tusa o lou ma'au paia i le faiga Taulaga o le 'Au Taumafai, ua fa'atino ai le tele o fuafuaga ma manaoga o le 'Au Taumafai. E talitonu ma le loto maua ana lē seanoa lo outou lagolago mai, semanū e lē mafai ona a'ua'u fuafuaga a le Komiti i le fa'atupeina o penisione o nai o tatou tamā ma tinā ua mapu ane i le galuega a le Atua. Malo fa'afetai foa'i, fa'afetai alolofa i le Matai e Ou le galuega.

Manatua ane Fepuari 2, 2020, o lou aso fa'amanatu lea i le lalolagi, pei ona fa'avae mai ia Fepuari 2, 1881. Pe tele pe iti, e lē vaioa ē foa'i i le loto malie ma alolofa moni i le Ali'i e Ou le 'Au Taumafai.

Ia alofa ma agalelei mai le Atua i feau ma galuega o lena tausaga fou. Ia mamao ni ao lealea, a ia manū ifo mai lagi le folauga a le Ekalesia aoao i le manuia ma le filemu o le Atua. Talosia ia maua se mau e tele, ma ia lalaoa le liu o le sa folau o le EFKAS i lena Tausaga 2020.

Soifua ma ia manuia,

*Fa'aeteete Saifoloi FT, Peresetene 'Au Taumafai
Mo le Mafutaga 'Au Taumafai EFKAS*

TA'UTINOGA 'AU TAUMAFAI

Ua ou fa'amoemoe i le fa'amalosi mai o Iesu Keriso ia te a'u. O lenei, ou te ta'utino i le Ali'i, o le a ou taumafai ona fai o mea uma e tusa ma Lona finagalo. O le a ou faia ma tulafono o lo'u ola:

Ou te tatalo ia te Ia i aso uma;
Ou te faitau i lana Afioga i aso uma;
Ou te 'alo 'ese i inuga 'ava o'ona i aso uma lava;
Ou te lagolago i galuega ma tapua'iga a le Ekalesia i so'o se ala ou te mafai ona ou faia;

Ma, i lo'u olaga atoa, o le a ou taumafai i lo'u iloa atoatoa, ona ola i le soifuaga Kerisiano mo Keriso.

Amene.

IANUARI 2020

Aso Sa – Ianuari 05 (*Fa’afouina*)

Tusi Faitau: Kenese 12:1-9

Matua: Kenese 12:1 - *“Ia tuua e oe o lou nuu ma tagata o lou nuu, ma le aiga o lou tamā, a e alu atu i se nuu ou te faasino atu ai ia te oe.”*

Manatu Autū: “EFKAS o le Ekalesia alu malaga”

1. O le Atua; o le taitai malaga
 2. O folafolaga; o savali o le malaga
 3. O fata faitaulaga; o aga tatau a le au malaga
-

Aso Sa – Ianuari 12

Tusi Faitau: Kenese 13:1-13

Matua: Kenese 13:12 - *“Ua mau Aperamo i le nuu o Kanana...”*

Manatu Autū: “Ia tumau i ala faatonuina mo le malaga”

1. O le faatuatua ma le ola faalagolago: folafolaga, e tosia laina o ala savali
 2. E faasesē ala le finauvale ma le matape’ape’a
 3. O le tumau i ala faatonuina e iloa ai faaaliga
-

Aso Sa – Ianuari 19

Tusi Faitau: Kenese 33:1-17

Matua: Kenese 33:10 - *“...auā o lenei ua ou iloa ou fofoga e peiseai ua ou iloa atu fofoga o le Atua...”*

Manatu Autū: “Ia outou fefaamagaloa’i i le ala”

1. O le loto faamagalo e iloa ai fofoga o le Atua
 2. O le faapipiliina o le loto, o le amataga lea o se mea fou
 3. O le faamagalo ma le faapipiliina e faafouina ai pea le au malaga
-

Aso Sa – Ianuari 26

Tusi Faitau: Kenese 45:21-24

Matua: Kenese 45:24 - *“Aua ne’i outou femisaa’i i le ala”*

Manatu Autū: “Ua faaalila le loloto o le “aoo” o le Atua, le ta’ita’i malaga”

1. O mai loa ia tatou o aua tatou te toe fematea’i
2. E taitaiina tatou e le Atua i ala eseese na te filifilia
3. Ia tatou mautinoa i le manumalo na te saunia pea mo lana aumalaga

FEPUARI 2020

Aso Sa – Fepuari 02 (*Fa'afouina*)

Tusi Faitau: Esoto 1:15-22

Matua: Esoto 1:17 - “*A ua matata'u i le Atua e na fa'atosaga i fanauga...*”

Manatu Autū: “E finagalo pea le Atua i le ola”

1. O le mata'u i le Atua, e iloa ai e paia le ola
 2. O le mata'u i le Atua, o le laina savali lena i totonu o puleaga eseese
 3. Ua faaigoaina nai fafine; e au tupulaga o ala o e matata'u
-

Aso Sa – Fepuari 09

Tusi Faitau: Esoto 2:1-10

Matua: Esoto 2:2-3 - “*ua ia iloa o ia ua lalelei...ona ia ave lea mo ia o le ato kome*”

Manatu Autū: “E faaigoaina mea vaivai e faamativa ai le malosi”

1. Ua tuuina Mose i totonu o le ato kome
 2. Na tofu sao uma fafine (Eperu ma Aikupito) i le laveai o Mose
 3. O le afafine o farao, le Aikupito, na aliali ai uiga agalelei o le Atua
-

Aso Sa – Fepuari 16

Tusi Faitau: Esoto 14:19-25

Matua: Esoto 14:22 - “*Ona ui atu lea o le fānauga a Isaraelu i totonu o le sami i le 'iliti tai matūtū...*”

Manatu Autū: “Ua faia e le Atua le nuu ia faatuatua”

1. Na faatonuina e le Atua Mose ia laasia pea le sami tele
 2. Ua faia e le Atua le iliti tai matutu
 3. O le faatuatua, o le amataga lea o le fanauina o le nuu fou
-

Aso Sa – Fepuari 23

Tusi Faitau: Esoto 15:1-10

Matua: Esoto 15:1-2 - “*... Ou te pese i le Ali'i, aua ua matuā manumalo o ia;...O le Ali'i, o lo'u malosi ia ma la'u pese...*”

Manatu Autū: “Ua faaleo lagona o le nuu faaolaina”

1. Vivii ma faafetai, e faailoa ai le silisili ese o le Atua na laveai ma faaola
2. Vivii ma faafetai, ona o le ta'ita'iga faamaoni na iloa ai Mose
3. Pesega ma Viiga o ala faamanatu i tupulaga i le agalelei o le Atua; ia toe faamatalina mo lo outou lumana'i.

MATI 2020

Aso Sa – Mati 01 (*Fa'afouina*)

Tusi Faitau: Mataio 4:1-11

Matua: Mataio 4:1 - *“Ona aveina ae lea o Iesu i le vao e le Agaga ina ia faaososooina e le tiapolo.”*

Manatu Autū: “Ua ta’u maualoina le Alii ina ia uiga faatasi ma tatou”

1. Na tausia lava e le Alii ona ala “tusia” mo le finagalo o lona tamā.
 2. Na faia mo ia ala o le auauna puapuagatia
 3. Na faia lava mo ia le satauro
-

Aso Sa – Mati 08

Tusi Faitau: Mataio 5:1-3

Matua: Mataio 5:3 - *“Amuia e matitiva ile agaga, aua e o latou le malo o le lagi.”*

Manatu Autū: “Ia tupu pea le manao i le Afioga/Upu a le Alii”

1. E le na o mea ai e ola ai le tagata, ao afioga uma e pa’u mai i le fofoga o le Atua
 2. Ia aoaoina, faafouina ma faapotoina pea tatou e le upu a le Alii
 3. O le mativa, e tupu ai le naunau poo le mana’o pea. Sa faapeaina foi lo tatou naunau i mea a le Alii
-

Aso Sa – Mati 15

Tusi Faitau: Mataio 5:21-26

Matua: Mataio 5:22 - *“A o a’u oute fai atu i a te outou, ai se ita i lona uso... Raka... Le vale e...”*

Manatu Autū: “Na faia tatou i le maopopo ma le nofo lelei”

1. O le laulauvavale ma upu faasausili e malepe ai sootaga
 2. Fau malo i tuaoi ma suafa o aiga e ta’u salaina i le silafaga a le Atua
 3. O le taulaga malie i le Alii o le “leleiga” nai lo le naunau ile falesa
-

Aso Sa – Mati 22

Tusi Faitau: Mataio 1:25-30

Matua: Mataio 11:30 - *“Aua e avegofie la’u amo, o la’u avega foi e mama ia.”*

Manatu Autū: “Ia amo fa’a-Iesu a tatou avega”

1. Ia avega tatou ma so’o aoga na aoao i ai e Iesu le amoina o faigata
2. Na amoina faigata i le agamalu ma le loto maualalo

3. O le amoina la fa'a-Iesu, e maua ai le malologa, faaeaina, faaolaina ma le manumalo
-

Aso Sa – Mati 29

Tusi Faitau: Mataio 17:1-8

Matua: Mataio 17:5 - *“O lo'u atalii pele lena, oute fiafia i a te ia; ia outou faalogo ia te ia”*

Manatu Autū: “O le potō na i le tumutumu mauga”

1. Ua mautinoa nei Iesu i le “ioēga” a lona tama e ui ina faigata le ala
 2. Ia manino foi i le auso'o o le Iesu lava lea e tasi na papatiso faatasi ma tagata agasala i Ioritana
 3. Ia manino foi tatou aemaise le Ekalesia i le militino o le mamalu o le manumalo faaleAtua i totonu o faigata.
-

APERILA 2020

Aso Sa – Aperila 05 (*Aso Sa Laupama – Fa'afouina*)

Tusi Faitau: Luka 19:29-40

Matua: Luka 19:40 - *“Ou te fai atu ia te outou, a le feganava'i i latou nei, e alalaga mai lava o maa”*

Manatu Autū: “O Iesu lava o le Tupu”

1. E laitiiti le asini, ae o le manu pai'a (e lei faaaogaina muamua, 1Sam 6:7)
 2. E fesootai le tupu faalesu i le Salamo 118:26 a e maise pesega i lona fanau mai
 3. E faatauvaa ma valea si ausoo, a e na filifilia e ta'utupuina Iesu
-

Aso Sa – Aperila 12 (*Aso Sa o le Toe Tu*)

Tusi Faitau: Ioane 20:1-10

Matua: Ioane 20:5 - *“Ua punou o ia ona iloa ai lea o ie na tanumai ua tu'u...ua vaai atu ona talitonu lea o ia.*

Manatu Autū: “Ua faaaliala mai e le Toe Tu le ola mo tatou”

1. O le Toe Tu ua faaaliala ai ua uma ona fatufatuina e le Atua le ola mo i tatou
2. E misi tatou ma le taua o le Toe Tu pea soona televavave, mata peapea ma ola moemoenoa
3. E fai mo tatou le Toe Tu e ala i le salamo ma le faatuatua i le Atua

Aso Sa – Aperila 19

Tusi Faitau: Luka 24:28-35

Matua: Luka 24:32 - “...*E le’i mu ea o ta loto i totonu ia i tatou ina ua fetalai o ia i a te’i taua i le ala, ina ua faamatala mai fo’i e ia o Tusi i a te’i taua?*”

Manatu Autū: “O le tāua o le savaliga i Emau”

1. Na iloa ai faaaliga o le Keriso i Emau
 2. Na aoaoina ai le ausoo e ala i le “manatua” o tala o le Keriso
 3. Na toe faamatalaina ai tala o le mafutaga ma Iesu, le Keriso
-

Aso Sa – Aperila 26

Tusi Faitau: Luka 24:44-49

Matua: Luka 24:45 - “*Ona tatalaina lea e ia o latou loto ina ia latou lagona ai Tusi..*”

Manatu Autū: “Ua toe faafouina le iloa o le ausoo”

1. O Iesu na puapuagaina; faaSatauroina, o le Keriso lava lea na toe faatuina e le Atua
 2. Ua fai meafou le Atua e ala i le toe faatuina o Iesu
 3. O le avanoa o le valaauina o i tatou i le galuega tala’i a le Keriso na toe faatuina e le Atua
-

ME 2020

Aso Sa – Me 03 (*Fa’afouina*)

Tusi Faitau: Galuega 11:1-11

Matua: Galuega 11:9 - “*A ua toe tali mai i a te a’u le siufofoga mai i le lagi. O mea ua faamamaina e le Atua, aua e te ta’ua e sa.*”

Manatu Autū: “E faaaliga pea le faamoemoe o le Atua i lea tupulaga ma lea tupulaga”

1. E fai ma tagata uma le faaolataga a le Atua
 2. Vaai, filemu, faalogo; e iloa ai le Agaga o le Atua e fegaoioi a’i.
 3. E tumau le faamaoni o le Atua i lana folafolaga
-

Aso Sa – Me 10 (*Aso Sa o Tina*)

Tusi Faitau: Faataoto 31:10-31

Matua: Faataoto 31:13 - “*Na te sailia fulufulu mamoe ma lino; ua galue ai ona lima ma le fiafia.*”

Manatu Autū: “O le Tina, o le meaalofa a le Atua mo Aiga”

1. E iloga galuega a le tina faamaoni i lona aiga
 2. O tina, o mea alofa a le Agaga i totonu o aiga
 3. O tina, o tufuga ma tusi ata a le Atua i le fausia o aiga
-

Aso Sa – Me 17

Tusi Faitau: Kalatia 6:11-18

Matua: Kalatia 6:17 - *“E amata i on apo nei, aua le toe faalavelave se tasi ia te a’u, aua ua ou tauave faailoga o le Alii i lo’u nei tino.”*

Manatu Autū: “O mailoga o le Keriso, o le amataga lea o le soo faatuatua”

1. Ia avea mailoga o Keriso ma olioli tele i le tatou galuega o faia nei
 2. Ua faataatia e mailoga o Keriso se alafua mo lo tatou soifua galulue
 3. O mailoga o Keriso o le faailo o le “mafai” mo i tatou
-

Aso Sa – Me 24 (*Aso Sa o le Afio A’e*)

Tusi Faitau: Galuega 1:6-11

Matua: Galuega 1:11 - *“O outou tagata Kalilaia e, se a le mea tout e tutu ai ma vaavaai i le lagi? O Iesu lena ua aveina a’e nai i a te outou i le lagi...”*

Manatu Autū: “O le Afio A’e, le fa’a-tofalaiga fa’a-le-Atua”

1. E aoaoina ai tatou i le Keriso na i a te i tatou
 2. E aoaoina ai tatou i le Pule Aoao ua i a Keriso
 3. O le avanoa o isi foi galuega a le Atua mo i tatou
-

Aso Sa – Me 31 (*O le Aso Sa o le Agaga Paia - Penetekoso*)

Tusi Faitau: Galuega 2:1-4

Matua: Galuega 2:1 - *“...Sa iai uma lava i latou i le mea e tasi ma le loto gatasi...”*

Manatu Autū: “E liu tino le Keriso i lana Ekalesia”

1. Ia tatou muai fifilemu ma faalologo, a o ia fetalai mai
 2. Tatou te iloaina lona mana e ala i le loto gatasitasi ma faapotopoto faatasi
 3. O filifiliga tatau ma le ola ofoina o faailoga o le mana o le Agaga Paia
-

IUNI 2020

Aso Sa – Iuni 07 (*Aso Sa Tolu Tasi Paia – Faafouina*)

Tusi Faitau – Salamo 8:1-9, 2 Korinito 13:1-14

Matua – 2 Korinito 13:11 - *“Le au uso pelē, o le toe upu lenei, Ia outou manuia, faaatoatoaina outou, ia faamafanafanaina outou, ia loto gatasitasi outou, ia outou fifilemu, ona ia te outou lea o le Atua e ona le alofa ma le manuia.”*

Manatu Autū: “O le mea lelei” (This is good)

1. O le Atua e Silisili ese lona suafa
2. O le Atua ua faaatoatoaina lo tatou vaivai
3. O le Atua fai mea lelei, ina ia tatou maua le lelei

Tupulaga: Kenese 1:1-4 – O loo tumu le lalolagi i mea lelei mai le Atua. A o afea ea o le a tu’u ai lo tatou fai mea leaga i le Atua?

Aso Sa – Iuni 14

Tusi Faitau – Kenese 18:1-15, Roma 5:1-11

Matua – Kenese 18:12 - *“Ona ataata lemū lea o Sara, ua faapea, ‘Ua ou loomatua, e ia te a’u ea le fiafia, o la’u alii foi ua toeaina ia?’”*

Manatu Autū: “Ua ataata Sara” (Sarah laughed)

1. E tauia galuega lelei e faia i le faatuatua.
2. E tutupu mea sili ona o le fai mea silisili.
3. E faamaoni pea le Atua i ana folafolaga.

Tupulaga: Luka 1:2 – E tu ma salalau le alofa o le Atua i e o loo fatu’atia ma gapātia e faatino le alofa o le Atua.

Aso Sa – Iuni 21 (*Aso Sā o Tamā*)

Tusi Faitau – Salamo 86:1-13, Mataio 10:24-42

Matua – Mataio 10:38-39 - *“O se le ave lona satauro ma mulimuli mai ia te a’u, e le aoga foi lea ia te a’u. O lē maua lona ola, e ma’umau ai ia te ia, a o lē faamaumau lona ola ona o a’u, e maua e ia.”*

Manatu Autū: “O le so’o (tamā) taofiofi mamau” (Daring Discipleship)

1. E fesili ma fesoota’i ia Iesu le ta’ita’i ‘au
2. E le tau lamalama, pe tau faaleaga i le galuega.
3. E le afaina le gau, ae faataua le tau o le fai ma so’o.

Tupulaga: Ioane 12:25-26 – O le ala i le pule o le tautua. ‘Aua le galulue faatemeteme ma faapaole ona fai se galuega.

Aso Sa – Iuni 28

Tusi Faitau – Ieremia 28:1-11, Roma 6:12-23

Matua – Roma 6: 22 - “*A o lenei, ua tuusaunoa outou ona o le agasala, ma ua fai ma auauna a le Atua, ua ia te outou ni a outou fua e o’o ai i le faapaiaina, o lona iuga foi o le ola e faavavau.*”

Manatu Autū: “Feiloaiga Paia” (Holy Welcome)

1. Mo e ua lagona le agaga salamo.
2. Mo e ua gaua’i loto ma agaga i le Atua ma lona finagalo.
3. Mo e ua faasaolotoina e le alofa tunoa o le Atua.

Tupulaga: 1 Peteru 1:7-9 – E nonofo faatasi foi ma ia, o e ua salamo ma faatuatua ma le faamaoni ia te ia.

IULAI 2020

Aso Sa – Iulai 05 (*Fa’afouina*)

Tusi Faitau – Salamo 145:8-13, Roma 7:15-25

Matua – Roma 7:25 - “*O lenei foi, o a’u nei lava ou te auauna i le tulafono a le Atua i lo’u mafaufau, a o le tulafono a le agasala i lo’u tino ...*”

Manatu Autū: “O avanoa ia filifili lelei” (Chosen Journeys)

1. Inā filifili ia i le Ola, ae lē o mea e oti ai
2. Ia taiala le Atua i filifiliga uma
3. O le Atua filifili mai, ina ia tatou iloa ona filifili atu

Tupulaga: Teuteronome 11:26-29 – Ia silasila toto’a ma lauama to’oto’o le filifiliga i avanoa e manuia ai.

Aso Sa – Iulai 12

Tusi Faitau – Kenese 27:18-29, Luka 15:11-32

Matua – Kenese 27:22 - “*...Ua sōsō atu Iakopo ia Isaako lona tamā, ona ia tagotago mai ai lea ia te ia, ua fai mai, o le leo o le leo lea o Iakopo, a o lima o lima ia o Esau.*”

Manatu Autū: “O aiga fevaevae’i” (A House Divided)

1. O i ai mafatiaga ma togafiti leaga
2. O i ai le fa’aituau ma le manatu fa’apito
3. O i ai le leleiga ma le fa’amagaloga

Tupulaga: Ioane 6:67-7 – O le manu’a i fale, e fofu e le alamea le alamea. Ia tausolomua i le fa’aleleiga ma tausi le filemu, a e lē o le fa’atupu vevesi

Aso Sa – Iulai 19

Tusi Faitau – Isaia 55:10-12, Mataio 13:24-30

Matua – Mataio 13:27 - “...*Ona o mai ai lea o auauna a le matai o le aiga, ua faapea mai ia te ia, Le alii e, e lē o le saito lelei ea na e luluina i lou fanua? O lenei, pe maifea nei titania? ...*”

Manatu Autū: “Totō ma vele faatasi” (Farming & Weed Together)

1. Ia lē na o le tilotilo i ai, a ia faia se galuega alofa
2. A talia ea na o lelei, o fea a ave i ai leaga?
3. Galulue pea manū o ao, ne’i pogisa e lē toe galulue ai

Tupulaga: Mataio 15:13 – Tu’uese le fa’avaivai ma le fa’atamala. Mafaufau e fai galuega lelei, e tutupu fo’i galuega lelei pe a fa’aaoga tatau lou mafaufau.

Aso Sa – Iulai 26

Tusi Faitau – 1 Tupu 3:5-15, Luka 6:20-26

Matua – 1 Tupu 3:9 - “...*O lea ia e foai mai ai i lau auauna le loto matala ina ia faamasino e ia i lou nuu, ma ia masino ai i le lelei ma le leaga, auā po o ai na te mafaia ona faamasino i lou nuu nei ua matuā toatele...*”

Manatu Autū: “Lalaga le lumana’i” (Weaving the Future)

1. A leaga le asō, e tele foi galuega e tau faasa’osa’o ai taeao
2. Ia aga’i pea i luma, o le olaga e lē toe fo’i i tua
3. E lē uma le fa’amoemoe, o lo’o tele pea lelei mo a taeao ma iēlua

Tupulaga: Roma 8:9-11 – E faamaoni pea le Atua ma ana folafolaga. E taua le taimi nei, e manino ai le lumana’i.

AOKUSO 2020

Aso Sa – Aokuso 02 (*Fa’afouina*)

Tusi Faitau – Kenese 32: 22-32, Roma 9:1-13

Matua – Kenese 32:30 - “*Ona faaigoa atu lea e Iakopo lea mea o Penieli, aua ua faapea a ia, Na ou iloa ai le Atua ua ma fesāga’i lava, a ua laveaiina a’u.*”

Manatu Autū: “Alo mai, Alo atu” (Face to Face)

1. O le alofa o le Atua, o le ula lea o so’o se fesilafaiga
2. O le faamaoni o le Atua, e toe saili mai lava
3. O manū e tete’a ai, o manū foi e toe fesilafa’i ai

Tupulaga: Efeso 3:19 – Ia iloa foi le alofa o Keriso ua silisili ese lea, ua faatutumuina ai outou i le tumu uma lava o le Atua.

Aso Sa – Aokuso 09

Tusi Faitau – 1 Tupu 19:9-18, Mataio 14:22-27

Matua – 1 Tupu 19:10 “*Ona fai atu lea o ia, ua ou matua maelegā a’u, auā ua tuua e le fanauga a Isaraelu la’u feagaiga, ua latou soloia i lalo ou fata faitaulaga, ua fasiotia foi e i latou a’u perofeta i le pelu, ua toe na o a’u lava, ua latou fia fasioti foi ia te a’u...*”

Manatu Autū: “Pe a foliga ua leiloa uma” (When all seems lost)

1. E tutupu pea le lē mautonu ma le fememea’i
2. E le o le sola ese le tali, a ia iloa faatoese ma faamaopopo
3. O le Alii le faasino ala i mea uma ua leaga ma toilalo ai

Tupulaga: 1 Samuelu 4:9 – ‘Aua le togi gofie le solo pe a leaga mea faigaluega. Inā faamalolosi ia ma faatamatane.

Aso Sa – Aokuso 16

Tusi Faitau – Kenese 45:16-24, Roma 11:28-32

Matua – Kenese 45:18 - “*...ia outou au mai ai lo outou tamā ma ō outou aiga, ma ia outou o mai ia te au, ou te avatua ia te outou le lelei o Aikupito, tou te aai ai mea e sili ona lelei o i le nu’u...*”

Manatu Autū: “O gaoiga loto tetele” (Bold Moves)

1. E galo leaga, pe a faasili le alofa
2. Ia le` tauti ma sui, a ia fai ma sui e ola ai
3. Tauti i le faamaoni, e maua ai le mea moni

Tupulaga: Efeso 6:10-13 – Ia loto tetele i le Alii ma le malosi o lona mana, tou te tutumau ai lava.

Aso Sa – Aokuso 23, 2020

Tusi Faitau - Isaia 51:1-8, Roma 12:1-8

Matua - Isaia 51:3 “*...auā e faamafanafanaina Siona e le Alii...na te faia lona fanua lafulafuā e pei o Etena, ma lona toafa e pei o le faataoaga a le Alii, e maua ai le fiafia ma le olioli, o le faafetai ma le leo o le pese...*”

Manatu Autū: “Ola toe liliuina” (Be Transformed)

1. Ia tausisi e fai le amiotonu a le Atua
2. Ia pei o taulaga ola mo le Atua
3. Ia lafoa’i le olaga tuai, ae gaua’i i le Atua

Tupulaga: Roma 4:7 – Amuia ē ua faamagaloina o latou solitulafono, ma ua ufitia a latou agasala...e manuia i latou ua liliuina i le Atua.

Aso Sa – Aokuso 30

Tusi Faitau – Jeremia 15:15-21, Mataio 16:21-28

Matua – Mataio 16:25 - “...Aua ai sē fia faasaogalemuina lona ola, e ma'umau ai ia te ia, a o lē faama'umau lona ola ona o a'u, e maua ai e ia...”

Manatu Autū: “Olaga e ta'itai'ina e le Agaga” (Spirit led-giving)

1. E le toe fefe ma palaai ai i se mea o le galuega
2. E tigaina, a e lē fa'aumatia
3. E lē to'ilalo ma faiaina, a e manumalo pea

Tupulaga: Ioane 16:13 – O le Agaga e tupu mai ai le upu moni, e fai ai outou ma auauna lelei, o ē ua ta'itai'ina e le Agaga.

SETEMA 2020

Aso Sa – Setema 06 (Aso Sa Talalelei – Fa'afouina)

Tusi Faitau - Esoto 12:1-14

Matua - Esoto 12:13 - “...E fai foi le toto ma faailoga ia te outou i fale tou te i ai, ou te vaai atu foi i le toto, ona ou sosopo ai lea iā te outou, e le oo foi ia te outou le mala e fano ai, pe a ou taia le nuu o Aikupito...”

Manatu Autū: “Faamanatu, Fausia ma Faapaiaina” (Remember, Restore & Renew)

1. O le Atua fetalai mai, e fou ai pea le TalaLelei
2. O le Atua sopo tuaoi, e lautele ai le TalaLelei
3. O le Atua Silisili ese, e paia ma mamalu ai pea le Tala Lelei

Tupulaga: 2 Timoteo 4:2 – Ia e tala'i le talalelei, ia faamalosi, ia faatonu atu, ia aoa'i atu, ia apoapo'a'i ma le onosa'i...ia maua e tagata le talalelei e ola ai.

Aso Sa – Setema 13, 2020

Tusi Faitau – Kenese 50:15-26, Mataio 18:21-35

Matua – Mataio 18:27 - “...Ona mutimuti vale ai lea o le alofa o le alii o lea auauna, ua tuu atu o ia ia saoloto, ma faamagalo atu ana tupe ua i ai...”

Manatu Autū: “Ala i le Sa'olotoga” (Road to Freedom)

1. Ia tausisi i le loto faamagalo atu
2. E muaau ma muliau le Atua i ala uma
3. E ta'itasi ma faamasinoina o tatou ala uma e le Atua

Tupulaga: Isaia 52:10 – E iloa foi e tuluiga o le lalolagi le olataga mai lo tatou Atua.

Aso Sa – Setema 20

Tusi Faitau – Iona 4:1-11, Filipi 1:19-30

Matua – Filipi 1:23-24 - “...*Auā ua ou faaletonu i manatu e lua, o loo ia te au le naunau ia ou alu, ia faatasia a’u ma Keriso, o le mea lea e sili ona lelei. Peitai, ia a’u tumau i le tino, o le mea lea e sili ona aoga ia te outou..*”

Manatu Autū: “O feeseesega i le vaomatua” (*Tensions in the wilderness*)

1. Ia faalogo ma usita’i i le Atua, e lē sesè ai
2. Ia tu’uese le loto maa’a ma le faataute’e
3. Ne’i finau vale, a ia i ai le loto maualo

Tupulaga: Salamo 34:19 – Pe tele mea leaga ma faigata e o’o i ē ua amiotonu, a e laveaina i latou e le Alii ai ia mea uma.

Aso Sa – Setema 27

Tusi Faitau – Esekielu 18:1-9, Mataio 21:23-32

Matua – Esekielu 18:8 - “...*e le’i avatu se mea e au mai ai se totogi e faasili, e le’i talia se mea e faasili, ua faafoi lona lima ai le amioletonu, ma ua fai faamasinoga tonu i lea tagata i lea tagata...*”

Manatu Autū: “O le Atua e tumau lona auai mai” (*God’s sustaining presence*)

1. E tonu ma sa’o ai mea tatou te faia
2. E alofa fua ma alofa mitimuti vale lona alofa
3. E lē fua i se amio ua tonu, poo se faatuatua ua tele nauā

Tupulaga: Isaia 57:15 – O lē ua maualuga ma silisili, o lē afio e faavavau, e paia lona suafa...ma te nonofo foi ma lē ua momomo ma ua faamaulalo lona loto.

OKETOPA 2020

Aso Sa – Oketopa 04 (*Fa’afouina*)

TusiFaitau - Salamo 80:7-19, Filipi 3:12-16

Matua - Filipi 3:14 - “...*ou te tausisi atu i le faailoga, ia maua ai le tau i na valaauina ai a’u mai luga e le Atua ia Keriso Iesu*”

Manatu Autū: “O le poto e iloa ai le ala” (*Wisdom for the Way*)

1. Ia fa’atoilalo le fili ma ana mailei
2. Ia faafoisia le mamalu i le nuu ma ona tagata
3. E tautevateva le ō pe a aunoa ma le Atua

Tupulaga: Sakaria 4:6 – E lē o le fiafita poo le malosi, a’o le Agaga o le Alii e manino ma manumalo ai mai luitau o le ala.

Aso Sa – Oketopa 11 (*Aso Sa o Tamaiti*)

Tusi Faitau – Isaia 25:1-8, Mataio 22:1-14

Matua – Mataio 22:8-9 - “...*Ona fai atu lea o ia i ana auauna, ua saunia lava le tausamaaga, a ua lē aoga e na tala’iina. O lenei, ia outou o atu i ala tele, o i latou uma tou te iloa ai, tou te tala’i i ai le tausamaaga...*”

Manatu Autū: “Ola Tausa’afia” (Praiseworthy Living)

1. E fai ma mea suamalie le ola vivi’i i le Alii
2. E mafuta ma talisua faatasi ma le Alii
3. E fai mo ia le malo o le lagi (Atua)

Tupulaga: Galuega 9:6 – E valaau ma tofofi e le Atua le tagata i le mea o i ai, pe a tausaaafia le ola. Ne’i galo, o oe o le tagata faaolaina.

Aso Sa – Oketopa 18

Tusi Faitau – Salamo 96:1-13, 1 Tesalonia 1:1-10

Matua – 1 Tesalonia 1:9-10 - “...*auā o i latou lava ua iloa ai le tala ia te i matou i le uiga o lo matou oo atu ia te outou na, ma lō outou liliu mai i le Atua nai tupua, ina ia outou auauna i le Atua soifua ma lē ua moni, ma ia faatali atu i lona Alo mai le lagi, o lē na toe faatuina mai e ia nai e ua oti, o Iesu lea, o lē lavea’i mai ia i tatou ai le toasa atali ...”*

Manatu Autū: “O le Feau Ola” (Living Message)

1. O le Atua, o le Tupu silisiliese lava Ia
2. O le Atua, e ofoofogia mā tetele vavega na Ia faia
3. O le Atua, e manumalo ma manumalo pea Ia

Tupulaga: Ioane 13:1 – Feau o le alofa ua naunau, e tumau pea e faavavau.

Aso Sa – Oketopa 25

Tusi Faitau – Teuteronomie 34:7-12, Mataio 22:34-40

Matua – Teuteronomie 34:7-8 - “...*Ua oti foi Mose ina ua selau ma le lua sefulu ona tausaga, e le’i puaoa ona mata, e le’i mavae foi lona malosi. Ua fetagisi foi le fanauga a Isaraelu ia Mose i le elele laugatasi o Moapi i aso tolu sefulu, ona atoatoa ai lea o aso na fetagisi ma faanoanoa ai iā Mose ..”*

Manatu Autū: “Olaga e tumu i le Alofa” (The Compassionate Life)

1. A galo faapefea le alofa o le Atua
2. E gagana ma tautala galuega lelei e faia e le alofa
3. Ua masi’i mai le Atua alofa, ona o le moni o le alofa

Tupulaga: Efeso 3:19 – Ia outou iloa le alofa o Keriso, ua silisili ese lea.

NOVEMA 2020

Aso Sa – Novema 01 (*Aso Sa 'Au Paia – Fa'afouina*)

Tusi Faitau – Mika 3:5-12, Mataio 23:1-12

Matua – Mika 3:8 - “...*A e peitai o a'u, e moni lava, ua faatumuina a'u i le mana o le Agaga o le Alii, o le faamasinoga foi ma ma le malosi, e faailoa atu ai ia Iakopo o lana solitulafono, e faailoa atu foi ia Isaraelu o lana agasala...*”

Manatu Autū: “O uso i le Galuega” (*Partners in Service*)

1. E ola faapaiaina mo le galuega o le Talalelei
2. E taofiofi mamau i le feau, ae lē o le losilosivale i mea a le lalolagi
3. E galue ma le alofa, ina ia fanafanau le alofa

Tupulaga: Fa'aaliga 17:14 – O ē ua i le Alii, ia faamaoni i latou. Ia ta'utino atu lo tatou tofi, ua na o Iesu e ola ai.

Aso Sa – Novema 08

Tusi Faitau – Amosa 5:14-24, Mataio 25:1-13

Matua – Mataio 25:8 - “...*Ona fai atu ai lea o ē valea i ē popoto, au mai ni ā outou suau'u ma matou, auā o le a mamate a matou moli ...*”

Manatu Autū: “Tautuana le malamalama o le Alii” (*Tending Gods light*)

1. Saili, ia maua le malamalama, ae le o le pouliuli
2. Sauni, e lē iloa mea e tutupu i le ala
3. Mataala, o le fili e le moe ma tau faaosooso

Tupulaga: Ioane 9:4 – Ne'i ma'umau agaga o momoe pea. E tutupu le ola toilalo ma le tauvalea ona e leaga le tapenaga o le olaga.

Aso Sa – Novema 15

Tusi Faitau - Iosua 4:1-8, 1 Tesalonia 5:1-11

Matua – 1 Tesalonia 5:8 - “...*a o i tatou nei o ē o le ao, ia faautauta i tatou, ia tatou oofu i le ufifatafata o le faatuatua ma le alofa, ma le puloutau o le faamoemoe i le faaolataga....*”

Manatu Autū: “O avanoa fa'a-auro” (*Extravagant Opportunity*)

1. Tu'u le Atua e faia vavega, a e faatuatua oe
2. Fa'amalolosi e tauave aupega o le galuega
3. Tausinio ia pale i le faaolataga, ae lē o le fa'asalaga

Tupulaga: Malaki 4:2 – Vaai avanoa ne'i maimau. O outou o ē matata'u i le Atua, e iā te outou le la o le amiotonu.

Aso Sa – Novema 22 (*Vaiaso Fa’afetai – Malo o Keriso*)

Tusi Faitau – Esekielu 34:12-19, Efeso 1:15-23

Matua – Esekielu 34:16 - “...*Ou te sailia foi le ua se, ou te aumaia lē ua tulia, ou te fusia le ua gau, ou te faamalosia le ua vaivai, a o le ua peti ma lē ua malosi ou te faaumatia ia, ou te fagaina i latou i le faamasinoga ...*”

Manatu Autū: “E maualuga pea le Alofa” (*Reigning Compassions*)

1. E le tau i le leaga i le leaga, a e mutimutivale le alofa
2. E le fa’atalitali, ae tula’i ma savali i lē ua ita mai
3. E taugata le alofa, a e lē faatauina i se tau

Tupulaga: Salamo 103:1-5 – Ne’i galo le alofa o lē na e maua ai le alofa, auā ua alofaina oe i le alofa e faavavau.

Aso Sa – Novema 29 (*Vaitau o le Etiveni*)

Tusi Faitau – Isaia 64:1-12, 1 Korinito 1:1:3-9

Matua – Isaia 64:2 - “...*E pei o le afi e faamu ai laau iti, o le afi e pupuna ai le vai, e faailoa atu lou suafa i ê ita ia te oe, e gatete foi nuu ese i ou luma.*”

Manatu Autū: “O fea ea le Atua” (*Where are you God*)

1. O loo tu i matagiolo, a ua pogisa le vaai
2. O loo alofa i aso uma, a ua aiiuū ma lima mamau
3. O loo afio i mea uma, a ua papau le ola faatuatua

Tupulaga: Iosua 2:11 – A ua maua le ola, faafetai o loo soifua le Atua e afua ai le ola. O loo tatou tauivi ma le Atua i mea uma tatou te maua ai le ola.

TESEMA 2020

Aso Sa – Tesema 06 (*Fa’afouina*)

Tusi Faitau – Isaia 40:1-11, 2 Peteru 3: 8-18

Matua – Isaia 40:10 - “...*Faauta, e afio mai le Alii le Atua ma le malosi, e pule lona aao mo ia, faauta, ua ia te ia lana tau, ua i ona luma le tologi o lana galuega ...*”

Manatu Autū: “O avefeau o le faamoemoe” (*Messengers of Hope*)

1. E tulimata’i le faamoemoe na folafolaina mai
2. Soia le fesili po’o ai e faia, a’o sia mea se’i e aoga ai
3. Ia tausisi i le faamoemoe, o tatou o avefeau o le feau

Tupulaga: Fa’aaliga 20:12 – Mataala i le feau. E faamasinoina e le Atua avefeau o le galuega. O fua e te lulu, o lena foi e te seleseleina.

Aso Sa – Tesema 13, 2020

Tusi Faitau - Salamo 126:1-6, Ioane 1:19-34

Matua - Ioane 1:15-16 - “...O ia lenei sa a’u fai atu ai, o lē mulimuli mai, e sili o ia ia te au, auā o ia na muamua ia te au. O lona tumu ua maua ai e i tatou uma lava le alofa tunoa, e faaopoopo i le alofa tunoa ..”

Manatu Autū: “Alalaga o le Fiafia” (Shout of Joy)

1. O le Atua faamaite fiafia, ua tatou fiafia ai
2. O le tama’i mamoe a le Atua, na te togiola agasala a le lalolagi
3. E le o a’u, a o lē o lo’o mulimuli mai

Tupulaga: Kolose 1:19 – O ai lava i tatou, ua liuliu alo mai ai le Atua, ma aumaia le fiafia loloto i ō tatou loto.

Aso Sa – Tesema 20

Tusi Faitau - 2 Samuēlu 7:1-11, Luka 1:46 -55

Matua - Luka 1: 47-48 - “...ua olioli foi lo’u agaga i le Atua lo’u Faaola, auā ua silasila mai o ia i lana auaua fafine ua faaamaulaloina, auā e amata mai nei ona faa-amuia mai ia te au o tupulaga uma ...”

Manatu Autū: “Tutupu pea ta’utinoga fou “ (Birthing a Promise)

1. Pe a musumusuina i tatou e le Agaga o le Atua
2. Ia atagia ai le finagalo alofa o le Atua
3. O lo’o momoli mai ai manuia o le Atua mo le lalolagi uma

Tupulaga: Roma 8:9-11 – O le Atua o mea fou mo mea fou, pe a utufia i tatou e le Agaga Paia o le Atua.

Aso Sa – Tesema 27, 2020

Tusi Faitau: Isaia 61:10 – 62:3, Efeso 1:3-10

Matua – Efeso 1:3 - “...Ia faafetaia le Atua, o le Tamā o lo tatou Alii o Iesu Keriso, o le ua faamanuia mai ia i tatou i mea uma lava e manuia ai i la le Agaga, i mea o i le lagi, ona o Keriso ...”

Manatu Autū: “O mea alofa sa fa’atalitali i ai” (Long Awaited Gift)

1. O le Alii o aiga, ua alofa i ona aiga uma
2. Ua tutusa tagata uma i le tele o ana mea alofa
3. O le Alii fai mea alofa, ia viia ma olioli ai le lalolagi uma

Tupulaga: Kalatia 4:4 – E a fa oe, ne’i galo se mea alofa e tasi mai le lasi o ana mea alofa.